

da ~o, ĉirkaŭkreskitaĵ de musko Z; konstrui sur ~o (f. fortike).

Rokoko. Franca arkitektura k ornama stilo, kiu furoris dum la fino de reĝado de Ludoviko la XV, k kiun karakterizas kapricaj volutoj k densaj delikataj ornamaĵoj. Kp BAROKO.

Rolo. 1 Ĉiu parto de teatra verko, ludata de ĉiu aparta aktoro: ludi la ~on de Hamleto; ĉef~ulo (heroo 3). 2 (f) Agado, funkcio de iu aŭ io, konsiderata en siaj efikoj: ludi gravan ~on en entrepreno B; ~o tre flata sed tre ŝarĝa Z; Esperanto montriĝis tute taŭga por sia ~o Z; la kutimo ludas gravan ~on en la vivo Z; plenumi Z, okupi ~on en ia afero Z. Kp TASKO, OFICO, OKUPO, PROFESIO.

Romano. Literatura eposa proza verko, konsistanta el longa rakonto pri image elpensitaj aŭ aranĝitaj faktoj. ~eca. Reveme k himere sentema kiel la herooj de la malnovaj ~oj (Kp SENTIMENTALA).

Romanco. Kanta versaĵo pri kortuŝanta temo.

Romantiko. Literatura doktrino de la komenco de la 19-a jarcento, kiu estas ĝenerale karakterizata per konstanta kontraŭeco al la klasika doktrino, celante la kontentigon al la sento k fantazio pli ol al la intelekto k racio, preferante la brilecon k la koloron pli ol la klarecon k precizecon, k uzante trograndigon k hiperboligon de la esprimo plivole ol diskretecon k moderecon.

Rombo. 1 = lozango 1. 2 Delikatgusta plata ~oforma marfiŝo samfamilia kiel pleŭronekto (*rhombus maximus*). ~ofiŝo. ~o 2.

* **Rompl** (tr). 1 Difekti objekton disigante ĝin perforte en du aŭ plurajn pecojn, ĉu per bato, ĉu per puŝo, ĉu per tiro, ĉu per premo: ~i vazon; kie maldike, tie ~iĝas Z; la arboj preskaŭ ~iĝas sub la mulĝeto da fruktoj; ~i la murojn inter la popoloj Z; paf~i al iu la kranion; ~i al si la cerbon (f: peni por trovi ideon, rimedon. Kp CERBUMI); kap~aj rezonoj; ~ita arkaĵo (ogivo); (f) li estas tute ~ita de la malsano; (f) ~i (malobservi) sian vorton Z, la Fundamenton Z; (f) ŝia tuŝiteco el~iĝis (subite montriĝis, kvazaŭ ~ante ion, eksplodis

per laŭta plorado Z; fari en~on en la urbon Z; penetri tra~e (perforte) en la tendaron Z. 2 (f) Ĉesigi la kontinuecon de io: ~i la silenton B, la ekvilibron; eksploda bruo ~is la kvitecon; ~i ta hejman pacon; nenie ~iĝas la kontinueco Z; la emocio ~is lian voĉon B; unusola kontraŭa voĉo ~is la unanimecon de la baloto; ~i la diplomatiojn rilatojn kun iu regno; ~i ĉiujn rilatojn kun iu. (Kp ŜIRI, FENDI, TRANĈI). ~i kun la ĝeneralaj kutimoj Z; la faktoj elokvente ~is tiun opinion; ~i la tradicion, kun la tradicio; verdaj parkoj ~as la unutonecon; mi ne vidas ian neceson por fari ~on en iu alutimigo Z. 3 (f) Cedigi, venki: ~i la kontraŭstaron, indiferecon; ~i la ĝisnunan rekordon; la malfacilaĵoj de la entrepreno ~is lian kuraĝon; ĉiuj ekprovoj de liberigo estis ~itaj; malgraŭ ĉiuj persekutoj la amo de la popolo por sendependeco restis ne~ita; malfacile estos ~i tian obstinon (Kp FRAKASI, FALIGI, RUINIGI, POLVIGI, DETRUI). ~ebla. 1 Kiun oni povas ~i: la regno formas unu nedis~eblan tutajon. 2 Kiun oni povas tre facile ~i: ~ebla k tuŝotima porcelano Z. De~i (tr). Preni ~ante: se la arbo falis, ĉiu branĉon de~as Z. Dis~i (tr). Tute dispecigi: la tero estis koorita per dis~aĵoj; (f) tiu artikolo dis~is la indiferecon de la publiko; (f) liaj bonaj intencoj dis~iĝis kontraŭ tia malfido. Inter~i (tr). 1 ~i 2: seninter~a aktiveco. 2 Mem ekparolante, ĉesigi la parolon al iu: Mario inter~is sin Z. ~itaĵo Z, ~opeco Z. Peco de io ~ita; dis~aĵo: ~itaĵoj de ŝipoj Z.

* **Rondo.** 1 Kurba fermita linio, kies ĉiuj punktoj estas en egala distanco de interna meza punkto nomata centro; cirklo 1; cirkonferenco: niaj danc~oj aliformiĝis en Junebron Z. 2 Ebena limigata de rondo, cirklo 2. 3 Aparta aro da homoj, kunvenantaro, societo: li multe klopodis por favorigi al esp-o la oficialajn k sciencajn ~ojn; jen mia ~o Z (miaj amikoj k konatoj; tiu, kun kiuj mi kutime interrilatas); tiu havis intereson nur por limigita ~o el niaj legantoj. ~a. Havanta formon de ~o, cirkloforma aŭ sferforma. ~iri. 1 Iri laŭ ~a linio. 2 Iri de unu loko aŭ persono al diversaj aliaj k fine reveni al la deirpunkto: li ~iras (flirtas) ĉirkaŭ ŝi kiel papilio ĉirkaŭ lumigilo (Kp ĈIRKAŬIRI, CIRKULI).